



বাংলাদেশ নির্বাচন কমিশন
নির্বাচন কমিশন সচিবালয়

নির্বাচন অগ্রাধিকার
অতীব জরুরি

নং- ১৭.০০.০০০০.০৩৪.৩৭.০০৬.১৯-২৪৫

তারিখ: ১৭ বৈশাখ ১৪২৬
৩০ এপ্রিল ২০১৯

ইলেকট্রনিক ভোটিং মেশিন বিষয়ক বিশেষ পরিপত্র

বিষয় : ময়মনসিংহ সিটি কর্পোরেশন নির্বাচন, ২০১৯ এ ইলেকট্রনিক ভোটিং মেশিন (ইভিএম) এর মাধ্যমে ভোটগ্রহণ।

উপর্যুক্ত বিষয়ে আদিষ্ট হয়ে জানানো যাচ্ছে যে, আগামী ০৫ মে, ২০১৯ তারিখে অনুষ্ঠিতব্য ময়মনসিংহ সিটি কর্পোরেশন নির্বাচনে সকল ভোটকেন্দ্রে ইলেকট্রনিক ভোটিং মেশিন (ইভিএম) এর মাধ্যমে ভোটগ্রহণের জন্য নির্বাচন কমিশন সিদ্ধান্ত গ্রহণ করেছেন। কেন্দ্রসমূহে ভোটগ্রহণ, প্রশিক্ষণ ও প্রদর্শন (ভোটিং এডুকেশন) এর জন্য প্রয়োজনীয় সংখ্যক ইলেকট্রনিক ভোটিং মেশিন (ইভিএম) কাস্টমাইজেশনসহ নির্বাচন উপযোগী করে আইসিটি অনুবিভাগ কর্তৃক যথাসময়ে রিটার্নিং অফিসারের নিকট প্রেরণের ব্যবস্থা করা হয়েছে। তাছাড়া নির্বাচন কমিশন সচিবালয়ের জাতীয় পরিচয় নিবন্ধন অনুবিভাগের কর্মকর্তাগণ সরেজমিনে উপস্থিত থেকে ইভিএম এর মাধ্যমে ভোটগ্রহণের জন্য প্রয়োজনীয় কারিগরী সহায়তা প্রদান করবেন।

২। **ইভিএম ব্যবহার পদ্ধতি সম্পর্কে প্রার্থী এবং ভোটারদের মধ্যে ব্যাপক প্রচার :** ইভিএম ব্যবহার যেহেতু একটি কারিগরী বিষয় এবং নতুন ধারণা, তাই এর ব্যবহার, কার্যকারিতা এবং সফলতা সম্পর্কে সকল প্রতিদ্বন্দ্বী প্রার্থী তাদের নির্বাচনী এজেন্ট, পোলিং এজেন্ট এবং ভোটারদের মধ্যে প্রচারের ব্যবস্থা করতে হবে। ভোটগ্রহণ কর্মকর্তা অর্থাৎ প্রিজাইডিং অফিসার ও সহকারী প্রিজাইডিং অফিসারদের সুবিধার্থে ইভিএম ব্যবহার পদ্ধতি বিষয়ক একটি নির্দেশিকার প্রয়োজনীয় সংখ্যক কপি প্রেরণেরও ব্যবস্থা করা হয়েছে।

৩। **ইভিএম ব্যবহারের মাধ্যমে ভোটপ্রদান পদ্ধতি সরেজমিনে প্রদর্শন (ভোটার এডুকেশন):** ইভিএম এ ভোট গ্রহণের জন্য নির্ধারিত ভোটকেন্দ্রে ইভিএম এর মাধ্যমে ভোট প্রদানের পদ্ধতি প্রদর্শন (ভোটিং এডুকেশন) এর ব্যবস্থা গ্রহণের নির্দেশনা প্রদান করা হয়েছে। এ জন্য ২৪-২৯ এপ্রিল, ২০১৯ তারিখ পর্যন্ত নির্বাচন কমিশনের প্রশিক্ষিত কর্মকর্তাগণ সার্বক্ষণিকভাবে সংশ্লিষ্ট ভোটকেন্দ্রে নিয়োজিত থেকে ইভিএম এর মাধ্যমে সরেজমিনে ভোটপ্রদান পদ্ধতি প্রদর্শনের মাধ্যমে ভোটারদের প্রশিক্ষণের ব্যবস্থা গ্রহণ করবেন।

৪। **ভোটগ্রহণ কর্মকর্তাদের প্রশিক্ষণ:** নির্বাচনি প্রশিক্ষণ ইনস্টিটিউট কর্তৃক ইভিএম ব্যবহারের বিষয়ে ভোটগ্রহণ কর্মকর্তা অর্থাৎ প্রিজাইডিং অফিসার, সহকারী প্রিজাইডিং অফিসারদের জন্য ০২ দিন ব্যাপি এবং পোলিং অফিসারদের জন্য ইলেকট্রনিক ভোটিং মেশিন ব্যবহারের বিষয়ে ০১ দিনের নিবিড় প্রশিক্ষণ প্রদানের ব্যবস্থা করা হয়েছে।

৫। **নিরাপত্তা সহকারে ইভিএম এর পরিবহন, সংরক্ষণ ও কার্যকারিতা যাচাই করা:** ইভিএম সমূহ ইলেকট্রনিক ডিভাইস। উক্ত মেশিনসমূহ সারিবদ্ধভাবে রেখে যথাযথ নিরাপত্তার সাথে পরিবহন করতে হবে। ভোটগ্রহণের পূর্বের দিন অন্যান্য নির্বাচনি মালামাল সহকারে ইভিএমসমূহ প্রিজাইডিং অফিসারকে বুঝিয়ে দিতে হবে এবং প্রিজাইডিং অফিসারগণ ভোটকেন্দ্রে গিয়ে সহকারী প্রিজাইডিং অফিসারসহ অবশ্যই ইভিএম সমূহের কার্যকারিতা ও সঠিকতা যাচাই করবেন। কোনরূপ ত্রুটি-বিচ্যুতি পাওয়া গেলে তাৎক্ষণিকভাবে প্রিজাইডিং অফিসার রিটার্নিং অফিসারকে অবহিত করবেন। রিটার্নিং অফিসার আঞ্চলিক কন্ট্রোল রুমকে অবহিত করে ত্রুটি-বিচ্যুতি সংশোধন অথবা প্রতিস্থাপনের ব্যবস্থা গ্রহণ করবেন।

৬। **ইভিএম -এর মাধ্যমে সংশ্লিষ্ট ভোটকেন্দ্রের ভোটারদের নিয়ে মক ভোটিং অনুষ্ঠান:** নির্বাচিত ভোটকেন্দ্রে ০৩ মে, ২০১৯ তারিখ বাস্তবিক ভোট কেন্দ্রের আদলে কেন্দ্র প্রস্তুত করে সংশ্লিষ্ট কেন্দ্রের সকল ভোটারকে ব্যাপক প্রচারের মাধ্যমে আমন্ত্রণ জানিয়ে মক ভোটিং এর ব্যবস্থা করতে হবে, যাতে ভোটারগণ তাদের ভোটাধিকার কিভাবে ইভিএম এর মাধ্যমে প্রদান করতে হয় তার বাস্তব জ্ঞান লাভ করতে পারে।

৭। **কারিগরী দলের গঠন :** প্রতিটি ভোটকেন্দ্রে নির্বাচন কমিশনের পক্ষে ২ জন সশস্ত্র বাহিনীর সদস্যসহ মোট ৩ জন কারিগরী সদস্য সহযোগিতা প্রদান করবেন। এজন্য রিটার্নিং অফিসার, তাদেরকে প্রয়োজনীয় লজিস্টিক সাপোর্ট প্রদান করবেন। সামরিক বাহিনীর সদস্যদের এবং কারিগরী দলের অপরাপর সদস্যদের বহনকারী যানবাহন সমূহ প্রাপ্যতার ভিত্তিতে স্ব স্ব ডিভিশন হতে যোগান দেয়া হবে এবং অপ্রতুলতার ক্ষেত্রে সহকারী রিটার্নিং অফিসার প্রয়োজনীয় সংখ্যক যানবাহন (যথাযোগ্য ও রিকুইজিশনের মাধ্যমে) যোগানের ব্যবস্থা করবেন। প্রিজাইডিং অফিসার ভোটগ্রহণের জন্য ভোটকেন্দ্র ও ভোটকক্ষ প্রস্তুত করবেন। ভোটগ্রহণ চলাকালে ইভিএম মেশিনের কোন সমস্যা দেখা দিলে বা মেশিন প্রতিস্থাপনের প্রয়োজন হলে নির্বাচন কমিশনের নিযুক্ত কারিগরী সদস্যগণ তা সচল করা বা প্রতিস্থাপনের ব্যবস্থা করবেন। ভোটকেন্দ্রের অভ্যন্তরে নিয়োজিত কারিগরী সদস্যগণ মোবাইল টিম/কন্ট্রোল রুমের সাথে সার্বক্ষণিক যোগাযোগ রাখার নিমিত্তে মোবাইল ফোন বহন ও ব্যবহার করতে পারবেন।

অফিসের ঠিকানাঃ

নির্বাচন ভবন, প্লট নং-ই-১৪/জেড, আগারগাঁও, ঢাকা-১২০৭

যোগাযোগঃ

ফোন : +৮৮০-০২-৫৫০০৭৬০০ ফ্যাক্স : +৮৮০-০২-৫৫০০৭৫১৫

ই-মেইলঃ secretary@ecs.gov.bd ওয়েব এড্রেসঃ www.ecs.gov.bd

৮। **রিজার্ভ টেকনিক্যাল টিম :** নির্বাচন কমিশন হতে প্রেরিত সদস্যগণের সমন্বয়ে গঠিত একটি রিজার্ভ টেকনিক্যাল টিম সংশ্লিষ্ট রিটার্নিং অফিসারের কার্যালয়ে অবস্থান করবেন। ভোট গ্রহণের দিন বিভিন্ন ভোট কেন্দ্রে ইভিএম এর কারিগরী সমস্যা পূর্বাঙ্ক কারিগরী সদস্যগণ কর্তৃক সমাধানে অসমর্থ হলে তা নিরসনে রিজার্ভ টেকনিক্যাল টিম প্রয়োজনীয় পদক্ষেপ গ্রহণ করবেন। সংশ্লিষ্ট রিটার্নিং অফিসার, রিজার্ভ টেকনিক্যাল টিমের যানবাহন ও আনুষাঙ্গিক লজিস্টিকস সহায়তা প্রদান নিশ্চিত করবেন।

৯। **ভোটগ্রহণ শুরুর পূর্বে ইভিএম প্রদর্শন:** ভোটকেন্দ্রে ব্যবহারের জন্য সরবরাহকৃত ইভিএমসমূহ ভোটগ্রহণ শুরু হওয়ার পূর্বে ভোটকেন্দ্রে উপস্থিত প্রতিদ্বন্দ্বী প্রার্থী অথবা নির্বাচনী এজেন্ট অথবা পোলিং এজেন্টগণকে প্রদর্শন করতে হবে এবং তাদের প্রতিদ্বন্দ্বী প্রার্থীদের নাম ও প্রতীক সঠিক আছে কিনা তা দেখাতে হবে।

১০। **ইভিএম যাচাইকরণ:** প্রতিদ্বন্দ্বী প্রার্থীদের নামের বিপরীতে ব্যালট ইউনিটে সঠিকভাবে প্রতীক সন্নিবেশিত আছে কিনা তা ভোটকেন্দ্রে পৌঁছে প্রিজাইডিং অফিসার যাচাই করবেন। যাচাই করে কোন ত্রুটি পরিলক্ষিত হলে তা তাৎক্ষণিকভাবে রিটার্নিং অফিসার/সহকারী রিটার্নিং অফিসারকে অবহিত করে সঠিক ব্যালট ইউনিট বুকে নিতে হবে। এ বিষয়ে প্রিজাইডিং অফিসারকে ইভিএম ও অন্যান্য ফরম, প্যাকেট এবং নির্বাচনী সামগ্রী সংগ্রহের সময় ভোটকেন্দ্রের চাহিদা অনুসারে যাচাই করে তা বুকে নিতে হবে।

১১। **ইভিএম এর মাধ্যমে ভোটগ্রহণসহ অন্যান্য কার্যাদি সম্পাদন (ভোটগ্রহণ কর্মকর্তা কর্তৃক ইভিএম ব্যবহার):** ০৫ মে, ২০১৯ তারিখ ভোটকক্ষে নিয়োজিত সহকারী প্রিজাইডিং অফিসার সকাল ৮.০০ টায় ভোটগ্রহণ শুরুর পূর্বেই ইভিএম মেশিন সেটআপ করবেন। প্রিজাইডিং অফিসার কেন্দ্রের সকল ভোটকক্ষে ব্যবহৃতব্য ভোটিং মেশিন চালু করার নিরাপত্তা PIN Code এবং Password গোপনীয় ভাবে রিটার্নিং অফিসারের দপ্তর হতে গ্রহণ, সংরক্ষণ ও সংশ্লিষ্ট সহকারী প্রিজাইডিং অফিসারকে সরবরাহ করবেন। এক্ষেত্রে Audit কার্ড প্রবেশ করিয়ে প্রিজাইডিং অফিসার/সহকারী প্রিজাইডিং অফিসার পাসওয়ার্ড/পিন প্রদান করে মেশিনের জিজ্ঞাসা অনুযায়ী আঞ্জুলের ছাপ প্রদান করে ভোটগ্রহণের জন্য মেশিন প্রস্তুত করবেন। ভোট গ্রহণ শুরুর পূর্বে মেশিনের অপর কার্ড স্লটে Polling Card প্রবেশ করাবেন। ভোটগ্রহণের জন্য মেশিন সম্পূর্ণরূপে প্রস্তুত হলে Audit কার্ডটি বের করে নিবেন। সহকারী প্রিজাইডিং অফিসার Audit কার্ড স্লটে প্রয়োজনে স্মার্ট কার্ড প্রবেশ করিয়ে ভোটার সনাক্ত করন করবেন। একজন পোলিং অফিসার ভোটার তালিকার হার্ডকপি সাথে মিলিয়ে সনাক্তকৃত ভোটার নম্বর চিহ্নিত করবেন এবং অপর পোলিং অফিসার বৈধ ভোটারের আঞ্জুলে অমোচনীয় কালির দাগ দিয়ে দিবেন এবং সহকারী প্রিজাইডিং অফিসার ভোটারকে ইলেকট্রনিক ব্যালট ইস্যু করবেন। ভোট গ্রহণের দিন বেলা ৪.০০ টার পর ভোটগ্রহণ শেষে সংশ্লিষ্ট সহকারী প্রিজাইডিং অফিসারগণ মেশিনে পুনরায় Audit কার্ড প্রবেশ করিয়ে End Poll করে ভোট গ্রহণ কার্যক্রম শেষ করবেন। ভোটগ্রহণ শেষ করে ভোটিং মেশিনসমূহ এবং ব্যবহৃত কার্ড সমূহ ফলাফল গণনার নির্ধারিত কক্ষে নিয়ে যাবেন এবং ভোটকেন্দ্রের সামগ্রিক ফলাফল প্রকাশ করবেন।

১২। **ব্যবহৃত বিভিন্ন ধরনের কার্ডের এবং প্রদত্ত পিন/পাসওয়ার্ডের গোপনীয়তা রক্ষা:** প্রতিটি ইভিএম এর জন্য ব্যবহৃত বিভিন্ন ধরনের কার্ড এবং মেশিন চালু করার পিন/পাসওয়ার্ড প্রিজাইডিং অফিসারকে সরবরাহ করা হবে। সরবরাহকৃত কার্ডসমূহ যথাযথ নিরাপত্তার সাথে ব্যবহার করতে হবে। এ সকল কার্ড এবং পিন/পাসওয়ার্ডের যথাযথ গোপনীয়তা রক্ষা করতে হবে।

১৩। **অতিরিক্ত অডিট ও পোলিং কার্ডের ব্যবহার :** সুষ্ঠুভাবে সিটি কর্পোরেশন নির্বাচন সম্পন্ন করার উদ্দেশ্যে কেন্দ্রে ব্যবহৃত অডিট কার্ড ও পোলিং কার্ডের একটি সামগ্রিক ব্যাকআপ সহকারী রিটার্নিং কর্মকর্তার কার্যালয়ে সংরক্ষিত থাকবে। জরুরী প্রয়োজনে রিটার্নিং অফিসার/সহকারী রিটার্নিং অফিসার উক্ত ব্যাকআপ কার্ডসমূহ প্রিজাইডিং অফিসার/সহকারী প্রিজাইডিং অফিসারকে সরবরাহ করবেন। উক্ত ব্যাকআপ কার্ডসমূহ সংশ্লিষ্ট ভোট কক্ষের ইভিএমসমূহ সচল করার নিমিত্তে অথবা নতুন ইভিএম কার্য উপযোগী করার জন্য ব্যবহার করা হবে। রিটার্নিং অফিসার / সহকারী রিটার্নিং অফিসার উক্ত কার্ডসমূহের সার্বিক নিরাপত্তা নিশ্চিত করবেন।

১৪। **ইভিএম এর মাধ্যমে ভোট প্রদান:** নির্দিষ্ট ভোট কেন্দ্রের ভোটারগণ ভোট প্রদানের জন্য আঞ্জুলের ছাপ/ভোটার নম্বর/জাতীয় পরিচয়পত্র নম্বর/স্মার্ট জাতীয় পরিচয়পত্র ব্যবহার করে নিজেই ভোটার হিসেবে সনাক্ত করতে পারবেন। নির্দিষ্ট কেন্দ্রের নির্দিষ্ট ভোট কক্ষের ভোটারগণ সারিবদ্ধভাবে একজন একজন করে ভোটার ভেরিফিকেশনের মাধ্যমে বৈধ ভোটার হিসেবে সনাক্ত ভোটারকে সহকারী প্রিজাইডিং অফিসার ভোটিং মেশিনের মাধ্যমে গোপন কক্ষে রক্ষিত ইলেকট্রনিক ব্যালট ইউনিটে (৩টি পদের) ব্যালট ইস্যু করবেন। ব্যালট ইউনিটে ব্যালট ইস্যু করার পর ভোটার গোপন কক্ষে প্রবেশ করে তার পছন্দের প্রার্থী এবং প্রতীক দেখে তার ডান দিকের বোতামে চাপ দিয়ে সিলেক্ট করবেন এবং ঐ ব্যালট ইউনিটের সবুজ রংয়ের CONFIRM বোতাম চেপে ঐ পদের ভোট সম্পন্ন করবেন।

১৫। **ভোটকক্ষ ও ভোটকেন্দ্রের ফলাফল গণনা এবং তা প্রকাশ:** ইভিএম ব্যবহারের ক্ষেত্রে প্রত্যেক সহকারী প্রিজাইডিং অফিসার ভোটগ্রহণ শেষে প্রশিক্ষণের সময় প্রদর্শিত ও বিধিতে নির্ধারিত পদ্ধতি অনুসারে ইভিএম সমূহ প্রিজাইডিং অফিসারের নিকট জমা দিবেন।

(১) ইভিএম কর্তৃক প্রাপ্ত ফলাফল হতে প্রিজাইডিং অফিসার তা সংশ্লিষ্ট পদের ভোট গণনার বিবরণীতে (ফরম ৬৪/৬৪-১ /৬৪-২) লিপিবদ্ধ করার পর, সেটি ন্যূনতম ০৫ কপি প্রিন্ট করে প্রিজাইডিং অফিসার নিম্নলিখিত কার্যাদি সম্পাদন করবেন;

ক) একজন সহকারী প্রিজাইডিং অফিসারকে মালামালসমূহ সংগ্রহপূর্বক বিধি মোতাবেক ফলাফল প্রকাশের নিমিত্তে দায়িত্ব প্রদান করবেন;

খ) প্রিজাইডিং অফিসার উপস্থিত প্রার্থী, প্রার্থীর নির্বাচনী এজেন্ট এবং পোলিং এজেন্টদের সামনে বিধি মোতাবেক ফলাফল প্রকাশ করার পর নির্ধারিত ফর্ম রিটার্নিং /সহকারী রিটার্নিং অফিসারের নিকট প্রেরণ করবেন;

গ) দ্রুত ফলাফল প্রেরণের জন্য ক্ষেত্র বিশেষে (নেটওয়ার্কের কারিগরী সমস্যা থাকলে) ০১ জন সহকারী প্রিজাইডিং অফিসার/পোলিং অফিসার ভোট কেন্দ্রে বিধি মোতাবেক ফলাফল প্রকাশের সাথে সাথে প্রয়োজনীয় নিরাপত্তার সহিত যানবাহন যোগে সহকারী রিটার্নিং অফিসারের কার্যালয়ে ফলাফল প্রেরণ নিশ্চিত করবেন;

(২) প্রিজাইডিং অফিসার/সহকারী প্রিজাইডিং অফিসারের নিকট হতে রিটার্নিং অফিসার/সহকারী রিটার্নিং অফিসার ফলাফল গ্রহণের সাথে সাথে তা দ্রুত প্রকাশ করবেন। ইভিএম সংশ্লিষ্ট সকল ভোট কেন্দ্রের সার্বিক ফলাফল সন্ধ্যা ০৬:০০ ঘটিকার মধ্যে অবশ্যই প্রকাশ করবেন।

১৬। কারিগরী সদস্যদের নিরাপত্তা নিশ্চিতকরণ : মক ভোট পরিচালনা এবং ভোট গ্রহণের দিন কেন্দ্রে অবস্থানরত কারিগরী সহায়তা প্রদানকারী সামরিক বাহিনীর সদস্যগণ নিরস্ত থাকবেন। রিটার্নিং অফিসার/সহকারী রিটার্নিং অফিসার এবং ক্ষেত্রমতে, প্রিজাইডিং অফিসার ভোট কেন্দ্রে অবস্থানকারী আইন শৃঙ্খলা রক্ষাকারী বাহিনী এবং টহল কাজে নিয়োজিত পুলিশ, র‍্যাব, বিজিবির সহায়তায় উক্ত সশস্ত্র বাহিনীর কারিগরী সদস্যগণের যাবতীয় নিরাপত্তা নিশ্চিত করবেন। উক্ত আইন শৃঙ্খলা রক্ষাকারী বাহিনী সমূহের সাথে যোগাযোগ স্থাপনের জন্য সশস্ত্র বাহিনীর কারিগরী সদস্যগণ মোবাইল ফোন বহন করতে পারবেন। উল্লিখিত ব্যবস্থা ছাড়াও যে কোন প্রকার অনাকাঙ্ক্ষিত ঘটনা প্রতিরোধে এবং তাদের নিরাপত্তা বিধানকল্পে সশস্ত্র বাহিনীর সদস্যগণ সর্বশেষ পন্থা হিসেবে সেনা ক্যাম্প স্থাপনকরত: অথবা প্রশাসনিক সুবিধাদানকারী ডিভিশনের সাথে যোগাযোগ স্থাপন করে নিরাপত্তা নিশ্চিত সংক্রান্ত প্রয়োজনীয় সকল পদক্ষেপ গ্রহণ করতে পারবেন।

১৭। ইভিএম ব্যবহারকারী দায়িত্বপ্রাপ্ত কর্মকর্তাদের দায়িত্ব সংক্রান্ত : জনস্বার্থে ইভিএম বাস্তবায়ন এবং রাষ্ট্রীয় গুরুত্বপূর্ণ কার্য সুনিশ্চিত করার উদ্দেশ্যে নিয়োজিত নিম্নলিখিত ব্যক্তিবর্গের দায়িত্ব উল্লেখ করা হল।

ক) রিটার্নিং অফিসার কর্তৃক গৃহীত পদক্ষেপঃ

- (১) সহকারী রিটার্নিং অফিসারকে যানবাহনসহ যাবতীয় লজিস্টিকস সাপোর্ট প্রদান করবেন;
- (২) সহকারী প্রিজাইডিং অফিসারের নিকট থেকে RMS এর মাধ্যমে ফলাফল পাওয়া মাত্র তা বার্তাশীট প্রস্তুত করে RMS এ প্রেরণ করবেন;
- (৩) কমিশন হতে প্রেরিত কর্মকর্তা / ডেটা এন্ট্রি অপারেটর / টেকনিক্যাল এক্সপার্ট / টেকনিক্যাল সাপোর্ট / সশস্ত্র বাহিনীর সদস্যগণের যানবাহনসহ যাবতীয় লজিস্টিকস সহায়তা প্রদান করবেন;
- (৪) তাঁর অধীনস্থ সকল কেন্দ্রসমূহের উপর নজরদারী করবেন;

খ) সহকারী রিটার্নিং অফিসার কর্তৃক গৃহীত পদক্ষেপঃ

- (১) রিটার্নিং অফিসারকে প্রয়োজনীয় সহযোগীতা প্রদান করবেন;
- (২) প্রিজাইডিং অফিসারের নিকট হতে ফলাফল পাওয়া মাত্র তা RMS যাচাই করে বার্তাশীট প্রস্তুত করবেন এবং রিটার্নিং অফিসারের নিকট RMS এর মাধ্যমে প্রেরণ নিশ্চিত করবেন;

গ) প্রিজাইডিং অফিসার কর্তৃক গৃহীত পদক্ষেপঃ

- (১) প্রিজাইডিং অফিসার প্রদত্ত ইভিএম সমূহের কার্যকারিতা পরীক্ষা করে দেখবেন;
- (২) ভোট গ্রহণ শেষে সকল কক্ষের কার্ডসহ কন্ট্রোল ইউনিটসমূহ সহকারী প্রিজাইডিং অফিসারদের সহযোগিতায় ভোট গণনার জন্য নির্ধারিত একটি কক্ষে নিয়ে আসবেন এবং একটি মেশিন হইতে কেন্দ্রভিত্তিক ফলাফল মুদ্রণ করবেন;
- (৩) সহকারী রিটার্নিং অফিসারকে প্রয়োজনীয় সহযোগীতা প্রদান করবেন;

ঘ) সহকারী প্রিজাইডিং অফিসার কর্তৃক গৃহীত পদক্ষেপঃ

- (১) প্রতি কক্ষ সমূহে ম্যানুয়েল অনুযায়ী ইভিএম এর মাধ্যমে ভোটগ্রহণ সম্পন্ন করবেন;
- (২) ভোট কেন্দ্রের ইভিএম ও সংশ্লিষ্ট মালামাল সমূহ বুঝে নিবেন;
- (৩) ভোটগ্রহণ শেষে দায়িত্বশীলতার সাথে সঠিকভাবে ইভিএম ও সংশ্লিষ্ট মালামাল সমূহ বুঝিয়ে দিবেন যেন

কোনভাবেই মেশিন ক্ষতিগ্রস্ত না হয়;

১৮। ইভিএম সমূহ পরিচালনার জন্য নির্বাচন কমিশনের কারিগরী দলকে লজিস্টিক সাপোর্ট প্রদান: রিটার্নিং অফিসার কারিগরী দলকে প্রয়োজনীয় লজিস্টিক সাপোর্ট দিবেন। ভোটকেন্দ্র ও ভোটকক্ষ ভোটগ্রহণের জন্য প্রস্তুত করবেন প্রিজাইডিং অফিসার । ভোটগ্রহণ চলাকালে ইভিএম মেশিনের কোন সমস্যা দেখা দিলে বা মেশিন প্রতিস্থাপনের প্রয়োজন হলে নির্বাচন কমিশনের কারিগরী দল তা সচল করা বা প্রতিস্থাপনের ব্যবস্থা করবেন।

১৯। ইভিএম ও নির্বাচনি মালামাল সংরক্ষণ: ভোট গণনা শেষে ইভিএমসমূহ সংশ্লিষ্ট প্যাকেটে প্রবেশ করিয়ে নির্দেশিকা অনুযায়ী দায়িত্বশীলতার সহিত রিটার্নিং অফিসারকে বুঝিয়ে দিবেন। ব্যবহৃত কার্ডসমূহ সরবরাহকৃত খামে ভরে সিলগালাপূর্বক গানি ব্যাগে প্রবেশ করিয়ে রিটার্নিং অফিসারের নিকট প্রেরণ করতে হবে। এছাড়াও ব্যবহৃত ভোটার তালিকা প্যাকেট ৭-এ, ভোট গণনার বিবরণী ফরম ৫, ৫-১ ও ৫-২ সম্বলিত সকল প্যাকেট এবং অন্যান্য নির্বাচনি সামগ্রী গানি ব্যাগে প্রবেশ করিয়ে সিলগালাপূর্বক রিটার্নিং অফিসারের নিকট জমা দিতে হবে।

২০। এ পরিপত্রের প্রাপ্তি স্বীকারের জন্য অনুরোধ করা হলো।


সংযুক্ত : বর্ণনা মোতাবেক

আঞ্চলিক নির্বাচন কর্মকর্তা, ময়মনসিংহ

ও

রিটার্নিং অফিসার

নং- ১৭.০০.০০০০.০৩৪.৩৭.০০৬.১৯-২৪৫


(মোঃ আতিয়ার রহমান)

উপসচিব

নির্বাচন পরিচালনা-২

ফোন: ০২-৫৫০০৭৫২৫

E-mail: sasemc1@gmail.com

তারিখ: ১৭ বৈশাখ ১৪২৬
৩০ এপ্রিল ২০১৯

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো (জ্যেষ্ঠতার ভিত্তিতে নয়):

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়/মুখ্য সচিব, প্রধানমন্ত্রীর কার্যালয়, তেজগাঁও, ঢাকা
২. সিনিয়র সচিব, (সংশ্লিষ্ট) মন্ত্রণালয়/বিভাগ
৩. প্রিন্সিপাল স্টাফ অফিসার, সশস্ত্র বাহিনী বিভাগ, বাংলাদেশ সেনাবাহিনী, ঢাকা
৪. মহাপুলিশ পরিদর্শক, বাংলাদেশ, পুলিশ হেডকোয়ার্টার্স, ঢাকা
৫. সচিব, (সংশ্লিষ্ট) মন্ত্রণালয়/বিভাগ
৬. অতিরিক্ত সচিব, নির্বাচন কমিশন সচিবালয়, ঢাকা
৭. মহাপরিচালক, বিজিবি/ কোস্টগার্ড/আনসার ও ভিডিপি/ র্যাপিড এ্যাকশন ব্যাটালিয়ন (র্যাব), ঢাকা
৮. মহাপরিচালক, জাতীয় পরিচয় নিবন্ধন অনুবিভাগ, নির্বাচন কমিশন সচিবালয়, ঢাকা
৯. বিভাগীয় কমিশনার, ময়মনসিংহ বিভাগ ও আপিল কর্তৃপক্ষ
১০. উপ মহাপুলিশ পরিদর্শক, ময়মনসিংহ রেঞ্জ
১১. যুগ্মসচিব (সকল), নির্বাচন কমিশন সচিবালয়, ঢাকা
১২. মহাপরিচালক, নির্বাচনি প্রশিক্ষণ ইনস্টিটিউট, ঢাকা
১৩. মহাব্যবস্থাপক, ক্রেডিট ইনফরমেশন ব্যুরো, বাংলাদেশ ব্যাংক, ঢাকা
১৪. সিস্টেম ম্যানেজার, নির্বাচন কমিশন সচিবালয়, ঢাকা [নির্বাচন কমিশন সচিবালয়ের ওয়েব সাইটে প্রকাশের প্রয়োজনীয় ব্যবস্থা গ্রহণের অনুরোধসহ]
১৫. পরিচালক (জনসংযোগ), নির্বাচন কমিশন সচিবালয়, ঢাকা [উক্ত বিষয়ে একটি সংবাদ বিজ্ঞপ্তি জারি করিবার জন্য অনুরোধ করা হইল]
১৬. জেলা প্রশাসক, ময়মনসিংহ
১৭. পুলিশ সুপার, ময়মনসিংহ
১৮. উপসচিব (সকল), নির্বাচন কমিশন সচিবালয়, ঢাকা
১৯. সিনিয়র জেলা নির্বাচন অফিসার/জেলা নির্বাচন অফিসার,.....(সংশ্লিষ্ট) ও সহকারী রিটার্নিং অফিসার
২০. উপজেলা নির্বাহী অফিসার,(সংশ্লিষ্ট)
২১. জেলা কমান্ড্যান্ট, আনসার ও ভিডিপি, ময়মনসিংহ
২২. মাননীয় প্রধান নির্বাচন কমিশনার- এর একান্ত সচিব, নির্বাচন কমিশন সচিবালয়, ঢাকা (প্রধান নির্বাচন কমিশনার মহোদয়ের সদয় অবগতির জন্য)
২৩. মাননীয় নির্বাচন কমিশনার জনাব, এর একান্ত সচিব, নির্বাচন কমিশন সচিবালয়, ঢাকা (মাননীয় নির্বাচন কমিশনার মহোদয়ের সদয় অবগতির জন্য)
২৪. সচিব মহোদয়ের একান্ত সচিব, নির্বাচন কমিশন সচিবালয়, ঢাকা (সচিব মহোদয়ের সদয় অবগতির জন্য)
২৫. সিনিয়র সহকারী সচিব/সহকারী সচিব(সংশ্লিষ্ট), নির্বাচন কমিশন সচিবালয়, ঢাকা
২৬. উপজেলা নির্বাচন কর্মকর্তা/থানা নির্বাচন কর্মকর্তা,.....(সংশ্লিষ্ট)
২৭. ভারপ্রাপ্ত কর্মকর্তা.....(সংশ্লিষ্ট) থানা।


(মোহাম্মদ মোরশেদ আলম)

সিনিয়র সহকারী সচিব

নির্বাচন ব্যবস্থাপনা ও সমন্বয় শাখা-১

ফোন: ০২-৫৫০০৭৬১০

ফরম-২

প্রিজাইডিং অফিসার কর্তৃক সহকারী প্রিজাইডিং অফিসারকে ইভিএম বুঝাইয়া দেওয়ার রেকর্ড

	সিটি কর্পোরেশনের নাম
--	----------------------

এই মর্মে প্রত্যয়ন করা যাইতেছে যে,	
------------------------------------	--

(ভোট কেন্দ্রের নম্বর ও নাম)

ভোট কেন্দ্রে ব্যবহারের নিমিত্তে নিম্নরূপে ইভিএমসমূহ বুঝাইয়া দেওয়া হইলঃ-

ক্রমিক নম্বর	ইভিএম নম্বর		ভোটকক্ষের নম্বর	গ্রহণকারী সহকারী প্রিজাইডিং/পোলিং অফিসারের নাম ও স্বাক্ষর
	কন্টোল ইউনিট	ব্যালট ইউনিট		

স্থান.			
--------	--	--	--

প্রিজাইডিং অফিসারের নাম, স্বাক্ষর ও সীল (যদি থাকে)

তারিখ দিন মাস বৎসর

ফরম-৩

ইভিএম এর কার্যকারিতা সম্পর্কিত সহকারী প্রিজাইডিং অফিসারের প্রত্যয়নপত্র

	সিটি কর্পোরেশনের নাম
--	----------------------

এই মর্মে প্রত্যয়ন করা যাইতেছে যে,	
------------------------------------	--

(ভোট কেন্দ্রের নম্বর ও নাম)

ভোট কেন্দ্রের নম্বর ভোটকক্ষে সরবরাহকৃত ইভিএমটির কার্যকারিতা পরীক্ষা করিয়া সঠিক পাওয়া গিয়াছে।

ক্রমিক নম্বর	পোলিং এজেন্টের নাম	পোলিং এজেন্টের স্বাক্ষর
১	২	৩

স্থান

সহকারী প্রিজাইডিং অফিসারের নাম,
স্বাক্ষর ও সীল (যদি থাকে)

তারিখ দিন মাস বৎসর